

## Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808139059 որոշումը անփոփոխ, իսկ գանգատն առանց բավարարման թողնելու մասին

<<10> 07 2018թ. 17-4-475-5

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով քաղաքացի Սարգիս Մկրտիչի Սարգսյանի դիմումի քննարկման արդյունքում ստեղծված նյութերը՝

## Պ Ա Ր Զ Ե Ց Ի

Քաղաքացի Սարգիս Մկրտիչի Սարգսյանը 73685-18 դիմումով խնդրել է ճանապարհային ոստիկանության թիվ 1808139059, 1706949506 որոշումներով ամրագրված իրավախախտումները վերահասցեագրել իրեն: Ուսումնասիրությամբ պարզվել է, որ թիվ 1706949506 որոշումը <<Վարչարարության հիմունքների և վարչական վարույթի մասին>> ՀՀ օրենքի 71-րդ հոդվածի համաձայն դարձել է անբողոքարկելի, ուստի դիմումը դրա մասով քննության ենթակա չէ:

Ինչ վերաբերվում է թիվ 1808139059 որոշմանը, ապա՝ համաձայն «Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին (բողոքին կամ հայցադիմումին) պետք է կցվի նաև պայմանագրի պատճենը:

Նյութերի ուսումնասիրության ընթացքում պարզվել է, Սարգիս Մկրտիչի Սարգսյանի կողմից ներկայացված ապացույցները չեն հիմնավորում թիվ 1808139059 որոշումով ամրագրված իրավախախտումը վերջինիս կողմից կատարված լինելու փաստը, քանի որ չի պահպանել վերոնշյալ իրավանորմով սահմանված պայմանները, չի ներկայացվել գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

## Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808139059 որոշումը թողնել անփոփոխ, իսկ գանգատն՝ առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակներն ուղարկել Սարգիս Մկրտիչի Սարգսյանին (հասցեն՝ ք. Երևան, Դավիթաշեն 3 թղմ., 2. 20, բն. 17), Մերի Սարգսի Մկրտչյանին (հասցեն՝ ք. Երևան, Մարտիրոսյանի պ., 2. 18, բն. 13) և ՏՄՀԽԱ կենտրոն:



Ե. Կարապետյան